

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
MINISTARSTVO ZA PITANJE BORACA
I RATNIH VOJNIH INVALIDA



BOSNIA AND HERZEGOVINA
FEDERATION OF BOSNIA AND HERZEGOVINA
THE UNA - SANA CANTON
MINISTRY FOR QUESTIONS OF SOLDIERS
AND WAR INVALIDS

VODIČ

ZA OSTVARIVANJE PRAVA NA NOVČANU NAKNADU

MINISTARSTVA ZA PITANJE BORACA I RATNIH VOJNIH INVALIDA



VODIČ

ZA OSTVARIVANJE PRAVA NA NOVČANU NAKNADU

Novčana naknada je mjeseca novčana naknada demobiliziranim braniciima koja se dodjeljuje pod uslovima, na način i u visini propisanim Zakonom o dopunskim pravima branilaca i članova njihovih porodica („Službeni glasnik Unsko-sanskog kantona“ broj: 31/20).

Uputstvom je utvrđen način obavljanja upravnih i stručnih poslova u postupku odlučivanja o pravu na novčanu naknadu, kao i o uslovima i dokumentaciji potreboj za ostvarivanje prava („Službeni glasnik Unsko-sanskog kantona“ broj: 9/21).

PREDAJA ZAHTJEVA

Zahtjev za ostvarivanje prava na novčanu naknadu predaje se prvostepenom organu, odnosno Odjeljenju za boračko-invalidsku zaštitu, prema mjestu prebivališta podnosioca zahtjeva, s tim što lice koje ima prebivalište u gradovima/općinama Banja Luka, Prnjavor, Srbac, Prijedor, Bosanski Novi, Kozarska Dubica, Gradiška i Laktaši, zahtjev predaje najbližem Odjeljenju za boračko-invalidsku zaštitu u Unsko-sanskom kantonu, u odnosu na mjesto njegovog prebivališta, vodeći računa o teritorijalnoj i komunikacijskog pogodnosti.

Obrazac zahtjeva sa popisom dokumentacije koja se uz isti prilaže, može se preuzeti u Odjeljenju za boračko-invalidsku zaštitu prema mjestu prebivališta podnosioca zahtjeva i web stranici Ministarstva za pitanje boraca i ratnih vojnih invalida.

Zahtjev se predaje na protokolu Odjeljenju za boračko-invalidsku zaštitu, svaki radni dan od 7-15 h.

POSTUPAK RJEŠAVANJA PO ZAHTJEVU

Nadležno Odjeljenje za boračko-invalidsku zaštitu, dužno je provesti upravni postupak i donijeti rješenje po zahtjevu stranke u skladu sa odredbama Zakona o upravnom postupku, s tim što je u obavezi u dispozitivu rješenja o priznavanju prava na novčanu naknadu upozoriti podnosioca zahtjeva na obavezu da u slučaju nastanka promjene koja utiče na korištenje priznatog prava, dužan je u roku 15 dana od dana nastanka promjene prijaviti prvostepenom organu svaku promjenu koja utiče na prestanak prava, kao i upozoriti na posljedice nepostupanja.

Odjeljenje za boračko-invalidsku zaštitu po službenoj dužnosti na osnovu prijave korisnika prava ili saznanja na drugi način o razlozima za prestanak prava, donosi rješenje o prestanku prava.

Rješenje kojim se priznaje pravo na novčanu naknadu podliježe reviziji, a revizija odlaže izvršenje rješenja. Reviziju vrši Ministarstvo za pitanje boraca i ratnih vojnih invalida-Komisija za reviziju.

Nakon okončanja postupka revizije i vraćanja spisa predmeta i rješenja na koji je data

saglasnost, Odjeljenje za boračko-invalidsku zaštitu unosi osnovne podatke koji su neophodni za isplatu u ISVDV sistem, skenira rješenje i proglašava izvršnim u ISVDV sistemu kako bi korisnik mogao ostvariti pravo na novčanu naknadu koja mu pripada po rješenju.

U slučaju da se prvostepeno rješenje u postupku revizije poništi i vrati na ponovni postupak, protiv rješenja o poništavanju rješenja i vraćanju na ponovni postupak ne može se pokrenuti upravni spor.

POUKA O PRAVNOM LIJEKU

Protiv rješenja koji je donijet u prvom stepenu stranka ima pravo žalbe u roku od 15 dana od dana prijema rješenja. Žalba se podnosi Odjeljenju za boračko-invalidsku zaštitu, koje je u obavezi da izjavljenu žalbu zajedno sa spisom predmeta dostavi Ministarstvu za pitanje boraca i ratnih vojnih invalida.

Ukoliko drugostepeni organ u postupku po žalbi doneše odluku, smatra se da je nad tim rješenjem proveden postupak revizije i sa istim se postupa kao sa rješenjem i spisom predmeta koji je prošao redovnu reviziju.

Protiv drugostepenog rješenja nije dopuštena žalba, ali se može pokrenuti upravni spor pred nadležnim kantonalnim sudom.

Sva rješenja koja donose Ministarstvo za pitanje boraca i ratnih vojnih invalida i Odjeljenja za boračko-invalidsku zaštitu u Unsko-sanskom kantonu, u vezi ostvarivanja prava na novčanu naknadu, donose se na osnovu Zakona o pravima branilaca i članova i njihovih porodica („Službeni glasnik Unsko-sanskog kantona“ broj: 31/20) i Zakona o upravnom postupku («Službene novine Federacije Bosne i Hercegovine» br.2/98 i 48/99).

Sve informacije u vezi sa vašim zahtjevom
možete dobiti od strane zaposlenika Odjeljenja
za boračko-invalidsku zaštitu u gradovima/općinama
Unsko-sanskog kantona pozivom na broj:

Bihać – 037 222 633

Cazin – 037 514 063

Bosanska Krupa – 037 471 086

Bužim – 037 410 881

Velika Kladuša – 037 770 573

Sanski Most – 037 685 973

Ključ – 037 661 600

Bosanski Petrovac – 037 881 015